

浮山縣志卷二十九

流寓

地以人重不必其鄉其國也故夷齊首陽西河子夏迄今增重焉載觀舊籍浮邑之寓賢頗眇若羊左義烈諸葛得人心與夫王野人不言化俗每令百世下流連感喟遺事芳踪安忍沒而不傳也志流寓

漢

左伯桃羊角哀

秦人聞楚元王善待士同入楚值雨雪糧少伯桃併糧與哀令入事楚自饑死於空樹中

哀至楚為上大夫言於楚王備禮葬伯桃畢亦自殺邑龍角山舊名羊角山有二人墓暨東西二峯祠廟蓋同沒於

其地云

浮山縣志

卷二十九 流寓

一

三國

諸葛誕

字公休琅琊陽都人諸葛豐之後孔明族弟仕魏歷尚書郎初為滎陽令入為吏部郎人有屬託輒顯

其言而承用之後有當否則公議其得失以為褒貶自是群僚莫不慎其所舉遷御史丞尚書與夏侯元鄧颺等相善收名朝廷京師翕然出為揚州刺史加昭武將軍王凌之陰謀也太傅司馬懿潛軍東伐誕為鎮東將軍假節都督揚州諸軍事封山陽亭侯諸葛恪與關遣誕督諸軍討之與戰不利還徙為鎮南將軍後母丘儉文欽反遣使詣誕招呼豫州士民誕斬其使露布天下令知儉欽凶逆天將軍司馬昭東使誕督豫州諸軍渡安風津向壽春儉悉破城門出流進壽春壽春中十餘萬口聞儉欽敗恐誅悉破城門出流進壽春壽春中十餘萬口聞儉淮南乃復以為鎮東大將軍儀同三司都督揚州吳大將孫峻呂據留贊等聞淮南亂會文欽往乃帥眾將欽徑至壽春時誕諸軍已至城不可攻乃走遣將軍蔣班追擊之斬贊傳首收其印節進封高平侯邑三千五百戶轉為征東大將軍誕既與元颺等至親又王凌母邱儉屢見夷滅懼不自安傾帑藏振施以結眾心厚養親附及揭州輕

俠者數千人為死士甘露元年冬吳欲向徐竭計誕所督
兵馬足以待之而復請十萬眾守壽春又求臨淮築城以
備寇內欲保有淮南朝廷微知誕被詔書愈疑心遂反召會諸
人度之二年五月徵為司空誕知誕有疑遂反召會諸
將自出攻揚州刺史樂綝之歛淮南及淮郡縣足一年
口十餘萬官兵揚州新附勝兵者四五萬人聚穀足一年
食閉城自守遣長史吳綱將小子觀至吳請救吳人大喜
遣將全擇全端唐咨王祚等率三萬眾密與文欽俱來應
誕以誕為左都護假節大司徒驃騎將軍青州牧壽春侯
是時鎮南將軍王基始至督諸軍圍壽春未合咨欽等從
城東北因山乘險得將其眾突入城六月車駕東征至項
司馬昭督中外諸軍二十六萬眾臨淮討之昭屯邱頭使
基及安東將軍陳騫等四面圍表裏再重壁壘甚峻又
使監軍石苟克州刺史朱異再以大眾來迎誕等渡
等數出犯圍逆擊走之吳將孫琳以異戰不進怒而殺
黎獎水泰等逆與戰每摧其鋒孫琳以異戰不進怒而殺
之城食轉少外救不至眾無所恃將軍蔣班焦彝皆誕
爪牙計事者也棄誕踰城自歸昭乃使反間以奇變說
全懌等懌等率其眾數千人開門來降城中震懼不知所
為三年正月誕欽咨等大為攻具晝夜五六日攻南圍欲

浮山縣志

卷二十九 流寓

二

決圍而出圍上諸軍臨高以發石車火箭逆燒破其攻具
弩矢及石雨下死傷者被地血流盈塹復還入城城內食
轉竭降出者數萬口欽欲盡出北方人省食與吳人堅守
誕不聽由是爭恨欽素與誕有隙徒以計合事急愈相疑
欽見誕計事誕遂殺欽與子鶯及虎將兵在小城中聞欽
死勒兵馳赴之眾不為用鶯虎單走踰城出自歸昭軍吏
請誅之昭令曰欽之罪不容誅其子也乃赦鶯虎然鶯虎以
窮歸命且巡城未拔殺之是堅其心也赦鶯虎使將兵數
百騎馳巡城呼語城內云文欽之子猶不見殺其餘何懼
城內喜且擾又曰城內云文欽之子猶不見殺其餘何懼
進兵同時鼓譟登城誕窘急乘馬將其麾下突小城門
出昭司馬胡奮部兵逆擊斬誕首夷三族麾下數百
人坐不降見斬皆曰為諸葛公死不恨其得人心如此誕
之仕魏也其家寓浮山今其地名諸葛村後人頗繁盛

唐

王野人

名體靜同州人始遊浮山觀原無室居縫紙為裳取
竹架樹覆以草獨止其下豹熊象過而馴之積十

年乃草堂植茶成園犁田三十畝以供食不畜妻子少
言說有所問盡誠以對人或取其絲約酬利弗問姓名皆

與或負之者終不言凡居二十四年年十二貞元二十五年五月卒於觀原茶園村人相與鑿木為空盛其屍埋於園中

清

章露

字潤生浙江山陰人隸順天籍以其父壽嵩與浮衛清漣友善當咸同年間髮逆捻匪迭次為亂惟浮

安謐因棄太平知縣職來浮置田產遂世居焉後露官平陽督糧通判性情和平且儒雅工詩光緒六年修縣志時曾有詩刊入藝文內

黃之訓

字季剛廣東川人行方正善詩文宦遊江蘇揚州避髮逆亂至山西介休嗣來浮以地方安謐足避兵

荒遂卜居於邑之南門內遺有景碧詞仰碧山房詞說其後裔元禎元淇元善輩均以官貴

黃元善

字谷生季剛子也幼隨乃翁厲居浮山由國學監生報捐州吏目歸河東道委用曾充茅津官運局委

員性忠實善詩文著有習隱庵詩賦雜作並輯姓氏考遺等書

浮山縣志

卷二十九 流寓

三

劉慶德

河南人以訟難飄蓬至張村善醫術刻期論死生銖毫不爽為貧乏醫斗羹弗擾遇富人餽金錢拒之堅

以故術噪縣宇請診者戶限為穿而寄廬無一日儲縣人高其行樹碑梁村道周